

97-боб. Қулига ёрдам бериш



11:02 / 21.09.2020 1845

Саллом ибн Амр Набий соллаллоҳу алайҳи васалламнинг бир саҳобаларидан ривоят қилади:

«Набий соллаллоҳу алайҳи васаллам: «Қулларингиз биродарларингиздир. Уларга яхшилик қилинглр. Сизларга оғир келган ишларда улардан ёрдам сўранглр. Уларга оғир келган ишларда сизлар уларга ёрдам беринглр», дедилар».

Шарҳ: Дунё тарихида Исломдан бошқа ҳеч бир дин, тузум ва таълимот қулни хожасига биродар деб атамаган. Фақат Исломдагина қул билан унинг хожаси биродар ва бир-бирига ёрдамчи деб аталган.

Фақат бизнинг динимиздагина қулига яхшилик қилишга амр этилган.

Фақат бизнинг шариатимиздагина қул билан хожанинг орасида ўзаро ёрдам йўлга қўйилган.

Бир кишининг қул бўлиши – Аллоҳнинг иродаси. Буни қулдорлар, хожалар тўғри тушунишлари, аксинча ҳам бўлиб қолиши мумкинлигини англашлари, қулларига ёрдам беришлари, уларнинг кўнглини кўтаришлари, яхшилик қилишлари керак экан.

Мусулмонлар бу ҳақиқатни ушбу ҳадисдагига ўхшаш таълимотлардан дунёда биринчи бўлиб тушуниб етганлар ва уни ҳаётга тўла татбиқ этганлар.

Абу Ҳурайрадан ривоят қилинади:

«Ишчининг (ходимнинг) ишида ёрдам беринглар. Албатта, Аллоҳнинг ишчиси ноумид бўлмас», дедилар».

Шарҳ: Албатта, раҳбар одам ўз ишчисига нисбатан меҳрибон бўлиши керак. Унга ёрдам бериш маъноси кенгдир. Бунга ишчининг ҳуқуқларига риоя қилиш ила эришилади.

Ишчи Аллоҳ таолонинг амрига биноан ҳалол меҳнат қилаётган бўлса, у Аллоҳнинг ишчиси ҳисобланади. Уни ноумид қилмаслик лозим.

Бу каби инсонпарвар таълимотларни биринчи бўлиб Ислам тақдим этган ва мусулмонлар уларга амал қилишган.

«Одоблар хазинаси» китобидан